

აჭარის ავტონომიური რესპუბლიკის სოფლის მეურნეობის სამინისტროს სატენდერო
კომისიის სხდომის
ოქმი N1

ქ. ბათუმი

14.08.2019 წელი

სხდომას თავმჯდომარეობდა მამუკა თურმანიძე - მინისტრის პირველი მოადგილე,
კომისიის თავმჯდომარე;

სხდომას ესწრებოდნენ კომისიის წევრები: რუსლან ქორიძე - მინისტრის მოადგილე,
სატენდერო კომისიის თავმჯდომარის მოადგილე; სულხან მოწყობილი - მინისტრის
მოადგილე; ჯამბულ ხოზრევანიძე - მინისტრის მოადგილე; ამირან თავდგირიძე - ადმინისტ-
რაციული დეპარტამენტის უფროსი; ლელა ონიანი - საბუღალტრო აღრიცხვისა და
ანგარიშგების დეპარტამენტის უფროსი; ლია ბერიძე - ბიუჯეტის დაგეგმვისა და ანალიზის
დეპარტამენტის უფროსი; ირმა აფხაზავა - პოლიტიკისა და ანალიტიკის დეპარტამენტის
უფროსი; ჯიმშერ დიასამიძე - სოფლის მეურნეობის დარგობრივი განვითარების
განყოფილების უფროსის.

კომისიის აპარატის წევრები: თამილა ჩხარტიშვილი - შესყიდვების განყოფილების მეორე
კატეგორიის უფროსი სპეციალისტი; მაია ტაკიძე - იურიდიული დეპარტამენტის მეორე
კატეგორიის უფროსი სპეციალისტი.

სხდომას არ ესწრებოდა: შვებულებაში ყოფნის გამო კომისიის წევრი თამილა გაბაიძე -
იურიდიული დეპარტამენტის უფროსი.

დღის წესრიგი: აჭარის ავტონომიური რესპუბლიკის სოფლის მეურნეობის სამინისტროს
2019 წლის პროგრამის „სოფლის მეურნეობის განვითარება მაღალეფექტური ტექნოლოგიების
დანერგვის გზით“ ქვეპროგრამის „სოფლის მეურნეობის მექნიზაციის ტექნიკური
საშუალებებით ფერმერთა და აგრომეწარმეთა უზრუნველყოფის ხელშეწყობის“ ფარგლებში
სახნავი გუთანის შესყიდვის მიზნით გამოსაცხადებელი ელექტრონული ტენდერის სატენ-
დერო დოკუმენტაციის პროექტის განხილვა და დამტკიცება.

მოისმინეს კომისიის თავმჯდომარის მამუკა თურმანიძის ინფორმაცია: მან აღნიშნა, რომ
აჭარის ავტონომიური რესპუბლიკის სოფლის მეურნეობის სამინისტროს 2019 წლის
პროგრამის - „სოფლის მეურნეობის განვითარება მაღალეფექტური ტექნოლოგიების
დანერგვის გზით“ ქვეპროგრამის „სოფლის მეურნეობის მექნიზაციის ტექნიკური
საშუალებებით ფერმერთა და აგრომეწარმეთა უზრუნველყოფის ხელშეწყობის“ ფარგლებში
გათვალისწინებულია თანამედროვე ტიპის სახნავი გუთანებით უზრუნველყოფის მიზნით
მათი შესყიდვა და ბენეფიციარებზე გადაცემა. ქვეპროგრამის ბიუჯეტი შეადგენს 34 000,00
(ოცდაათოთხმეტიათასი) ლარს, რომელიც ითვალისწინებს 5 ერთეული სახნავი გუთანის
შესყიდვას.

მოისმინეს კომისიის წევრის ჯიმშერ დიასამიძის ინფორმაცია: მან აღნიშნა, რომ
ქვეპროგრამის „სოფლის მეურნეობის მექნიზაციის ტექნიკური საშუალებებით ფერმერთა და
აგრომეწარმეთა უზრუნველყოფის ხელშეწყობის“ ფარგლებში ბენეფიციარებს მიეწოდებათ
სახნავი გუთანები. მცირეკონტურიანი ნაკვეთების უახლესი ტექნოლოგიების საშუალებით
დამუშავების დანერგვა ხელს შეუწყობს სასოფლო-სამეურნეო წარმოების ეფექტურობის
ამაღლებას. სამინისტროს სოფლის მეურნეობის დარგობრივი განვითარების განყოფილების
მიერ მოკვლეული იქნა ინფორმაცია სახნავი გუთანების მწარმოებელ კომპანიებზე, მათ მიერ
წარმოებული პროდუქციის სარეალიზაციო ფასებსა და ტექნიკურ მახასიათებლებზე, რის
საფუძველზეც შემუშავებული იქნა „მოსაწოდებელი საქონლის ტექნიკური მახასიათებლები

და პარამეტრები“, სადაც დეტალურად ჩანს ყველა მოთხოვნა, რათა შემდგომში თავიდან იქნეს აცილებული მოთხოვნილი და მოწოდებული საქონლის შეუსაბამობა.

მოისმინეს ადმინისტრაციული დეპარტამენტის უფროსის ამირან თავდგირიძის ინფორმაცია: მან აღნიშნა, რომ კომისიის აპარატის მიერ მომზადებულია ელექტრონული ტენდერის ჩატარებისათვის სატენდერო დოკუმენტაციის პაკეტის პროექტი. კომისიამ დეტალურად უნდა განიხილოს წარმოდგენილი პროექტის ყველა პარამეტრი და დაამტკიცოს მისი საბოლოო ვარიანტი.

კომისიის მიერ განხილული იქნა სატენდერო დოკუმენტაციის პროექტის პაკეტი, მისი ერთიან ელექტრონულ სისტემაში ატვირთვის ვადა, ხელშეკრულების პროექტი და სხვა. დაზუსტებული იქნა პაკეტის ყველა პარამეტრები, განსაზღვრული იქნა სატენდერო წინადადების ფასის კლების ბიჯი (0,5 %) და მიღებული იქნა მათი საბოლოო ვარიანტი.

დაადგინეს:

- საქართველოს სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „ელექტრონული ტენდერის ჩატარების წესის“ შესაბამისად განხორციელდეს აჭარის ავტონომიური რესპუბლიკის სოფლის მეურნეობის სამინისტროს 2019 წლის პროგრამის „სოფლის მეურნეობის განვითარება მაღალეფექტური ტექნოლოგიების დანერგვის გზით“ ქვეპროგრამის „სოფლის მეურნეობის მექნიზაციის ტექნიკური საშუალებებით ფერმერთა და აგრომეწარმეთა უზრუნველყოფის ხელშეწყობის“ ფარგლებში 5 ერთეული სახნავი გუთანის შესყიდვა ელექტრონული ტენდერის საშუალებით და დამტკიცდეს სატენდერო დოკუმენტაციის პაკეტი.

- ელექტრონული ტენდერი გამოცხადდეს NAT მეთოდით დღგ-ს ჩათვლით და შესყიდვის ღირებულებად განისაზღვროს 34000,00 (ოცდათოთხმეტიათასი) ლარი.

- სატენდერო კომისიის აპარატმა (თ.ჩხარტიშვილი) უზრუნველყოს სატენდერო განცხადებისა და სატენდერო დოკუმენტაციის სახელმწიფო შესყიდვების ერთიან ელექტრონულ სისტემაში ატვირთვა არაუგვიანეს მიმდინარე წლის 14 აგვისტოსი.

- სატენდერო კომისიის აპარატმა უზრუნველყოს ტენდერების მიმდინარეობის შესახებ ინფორმაციის სატენდერო კომისიაზე ოპერატიული მიწოდება.

კომისიის თავმჯდომარე:


 მ. თურმანიძე

თავმჯდომარის მოადგილე:


 რ. ქორიძე


წევრები:


 ჯ. ხოზრევანიძე

 ს. მოწყობილი

 ა. თავდგირიძე

 ლ. ონიანი

 ი. აფხაზავა

 ლ. ბერიძე

 ჯ. დიასამიძე

აპარატის წევრი:

 თ. ჩხარტიშვილი

 მ. ტაკიძე